

ILANNGUSSAQ

Uunga siunnersuut: Inatsisartut Suleriaasiata allanngortinneqarnera pillugu tusarniaaneq pillugu allakkiaq

Inatsisartut Suleriaasiata allanngortinneqarnissaanik siunnersuut nassuiaatitalik piffissami aggustip ulluisa 26-iannit septembarip ulluisa qulingiluaannut Naalakkersuisut Siulittaasuata Naalakkersuisoqarfianut Aningaasaqarnermut Naalakkersuisoqarfimmullu tusarniaatigineqarpoq.

Naalakkersuisoqarfinit pineqartunit tamanit tusarniaanermi akissutinik tigusaqartoqarpoq. Tusarniaanermi akissutit pissutissaqalersitsisimapput aalajangersakkani ataasiakkaani allanngortitsilaartarnissanut, allakkatigut apeqquteqaat aallaavigalugu Naalakkersuisunit peqataavigineqanngitsumik oqallittarnerit pillugit aalajangersagaq peerneqarpoq, aalajangersakkallu § 37-imik nutaamik oqaasertaliisup kingusinnerusukkut atuutilersinneqarnissaa siunnersuutigineqarpoq Inatsisartut Naalakkersuisullu pillugit Inatsisartut inatsisaata peqatigitillugu allanngortinneqarnissaa siunertaralugu. Tusarniaanermi akissutit taamatuttaaq pissutissaqalersitsisimapput siunnersuummut nalinginnaasumik nassuiaatit siunnersuummilu aalajangersakkanut ataasiakkaanut nassuiaatit annertuumik annertusarneqarnerinut.

Tulliuttuni tusarniaanermi akissutit tiguneqartut eqikkarlugit saqqummiunneqarput, taakkununga Inatsisartut Allattoqarfiata oqaaseqaatai *uingasunik* allanneqarsimallutik.

Naalakkersuisut Siulittaasuata Naalakkersuisoqarfiata tusarniaanermut akissutaa:

Ataatsimiinnermi oqaluuserisassat internettimut attaveqarani atortunillu elektroniskiusunik atortoqarani oqaluuserineqarnissaannik ataatsimiititaliap aalajangersinnaaneranik siunnersuut.

Siunnersuutip imarisai pissutissaqalersitsinngillat Naalakkersuisut Siulittaasuata Naalakkersuisoqarfiata oqaaseqaateqarnissaanut.

Naalakkersuisoqarfiulli iPadinut innersuussinerup peerneqarnissaa kaammattuutigaa, nioqqutissiaq pineqartoq "tabletinut" innersuussinerumut ilaareemat.

Aalajangersagaq kaammattuut naapertorlugu iluarsineqarpoq.

Aalajangiiffisassatut siunnersuutit Inatsisartunut ilaasortanit partiinillu saqqummiunneqartut aningaasatigut allaffissornikkullu kingunerisassaasa siunissami Naalakkersuisut akissuteqaataanni allaaserineqartalernissaannik siunnersuut.

Siunnersuut peerneqartariaqartoq Naalakkersuisut Siulittaasuata Naalakkersuisoqarfia isumaqarpoq.

Inatsisartut suliasamik pineqartumik Naalakkersuisunik peqqusinissaminnik suleriaatsiminni tungavissaqanngitsut Naalakkersuisut Siulittaasuata Naalakkersuisoqarfia isumaqarpoq, siunnersuullu aalajangersimasoq pillugu Inatsisartut isumaqatigiinniarnerni Naalakkersuisut oqaaseqaatit suut saqqummiukkusunnerlugit tungaviusumik nammineq aalajangiinissamut pisinnaatitaaffiannut akulerunnertut oqaatigisariaqarluni.

Siunnersuutip suliarineqarnerata ingerlanneqarnissaanut malittarisassanik aalajangersaanissaminut Inatsisartut suleriaatsiminni periarfissaqarput. Naalakkersuisut tamatumunnga ilanngukkumaasat malittarisassanut taamaattunut ilaatinneqarsinnaapput. Suleriaatsimi atuuttumi taamaaqataanik aalajangersarneqarpoq ataatsimiititaliaq qanoq ilisukkulluunniit Naalakkersuisunut ilaasortamik siunnersiunissamut ilisimatitsiffiusumilluunniit ataatsimiinnissamut aggersaasinnaasoq (Suleriaatsimi § 19, imm. 1).

Akissuteqaateqarnissamut piumasaaqatip malitsiginngilaa pinngitsoorani kingunerisassanik allaaserinninnerup saniatigut akissuteqaatip allanik imaqartinneqarnissaanik Naalakkersuisut pisussaaffilerneqarnerannik. Naalakkersuisut taamaalillutik allatigut siunnersuut pineqartoq isummerfigisariaqanngilaat. Tamatuma erseqqissarneqarnissaa siunertaralugu nassuiaatit annertusineqarput.

Pisuni aalajangiiffigisassatut siunnersuutikkut Inatsisartut Siulittaasoqarfiat pisussaaffilerneqartilugu inatsisissatut siunnersuummik imaluunniit Inatsisartut Suleriaasiata allanngortinneqarnissaanut siunnersuummik saqqummiussaqaarnissamut suliniutinilluunniit allanik aallartitsinissamut ullumikkut Inatsisartut Siulittaasoqarfiat akissuteqaateqartuusarsimavoq. Suleriaatsip tamatuma allanngortinneqarnissaa aalajangersakkakkut siunertarineqanngilaq. Siulittaasoqarfik akissuteqaateqasatillugu aalajangiiffigisassatut siunnersuutip kingunerisassaanik nassuiaateqarnissamut pisussaaffik Siulittaasoqarfimmiissaaq. Tamanna erseqqissarniarlugu nassuiaatit annertusineqarput.

Kingunerisassanik allaaserinninneq akissuteqaammi immikkut immikkoortumi immikkoortuniluunniit inissinneqarsinnaavoq imaluunniit pisariaqarpat akissuteqaammut ilanngussatut. Aalajangiiffigisassatut siunnersuutit Inatsisartunut ilaasortanit Inatsisartuniluunniit partiinit saqqummiunneqarput kingunerisassaanik naliliinerit ullumikkut siunnersuummut tungavilersuutini immikkut immikkoortuni maannamut inissinneqartarsimapput. Nalinginnaasumik sulineri taakku ilanngullugit atuarneqarnej ajorput. Akissuteqaatillu oqaaseqarluni saqqummiunneqarnerani ilanngussaajunnartut ilanngunneqassanatik. Kingunerisassanik allaaserinninneq akissuteqaammi immiini immikkut immikkoortuni ilanngunneqarsimapput taamaaqataanik taassuma atuarneqarnissaa pinngitsoorneqarsinnaavoq, ullumikkut suleriaatsimut naapertuuttumik. Taamaalilluni siunnersuutikkut Naalakkersuisut piffissamik oqaaseqarfigisinnaasaminnik namminneq qanoq atuerusunnerannik killiliisoqanngilaq.

Siunnersuutip aningaasatigut allaffissornikkullu kingunerisassaanik nalilersuinissamut, aalajangiiffigisassatut siunnersuummut tungavilersuutaanullu siunnersuuteqartumik oqaloqatiginnittarnissamik

naatsorsuutigisatut akulikitsumik pisariaqartitsisoqalernissaa Naalakkersuisut Siulittaasuata Naalakkersuisoqarfiata ernumanartoqartippaa.

Aalajangiiffigisassatut siunnersuutip kingunerisassaanik nalilersuineq aalajangiiffigisassatut siunnersuutip oqaasertai tunngavilersuutitaalu kisiisa tunngavigalugit pisariaqarpoq. Aalajangiiffigisassatut siunnersuutit ima oqaasertalerneqakkajussimasarput tamakkiisumik ilaannakortumilluunniit siunnersuutip qanoq timitalerneqarnissaa Naalakkersuisunut isummerfigisassannagortinneqartarluni. Pisuni taamaattuni Naalakkersuisut kingunerisassatut naatsorsuutigineqartut nassuiaatigisariaqarpaat Naalakkersuisunut orniginarnerpaatut/pissusissamisoornerpaatut iluseqartillugit, peqatigitilluguli malugeqqullugu siunnersuutip qanoq iluseqarluni timitalerneqarnera apeqqutaasussamat siunnersuutip sunik kinguneqarneranut. Naatsorsuutigisat kingunerisassanik allaaserinninnermut tunngaviujunnartut taaneqartariaqarput.

Naalakkersuisut Siulittaasuata Naalakkersuisoqarfiata siunnersuutigaa siunnersuutip aningaasatigut allaffissornikkullu kingunerisassaasa allaaserineqarnissaannut Naalakkersuisut tunniussaqsarinnannissaat taarsiullugu siunnersuutip saqqummiunneqannaginnerani siunnersuummik allakkatigut tusarniaariaatsimiissinnaasoq.

Siunnersuutip saqqummiunneqannaginnerani allakkatigut tusarniaasalernikkut Inatsisartunut ilaasortat ataasiakkaat ullumikkumut sanilliullugu inissisimanerat allannagornaviannigilaq, ullumikkummi pissutsit imaammata siunnersuutip eqqarsaatigineqartup kingunerisassaasa qulaajarneqarnissaannut ilaasortat annertuutigit Inatsisartut Allattoqarfiannit ikiorserneqarnissamik noqqaasariaqartarmata aamma/imaluunniit § 37 malillugu apeqquteqartariaqartarmata. Taamaattumik allatut periarfissaq taamaattoq pakatsinerit ullumikkut aaqqissuussisimanermut tunngatillugu Inatsisartuni partiit amerlasuut sinniisaannit ersersinneqartartut ilorraap tungaanut saatinneqarnissaannut piukkunnassagunannigilaq. Siunnersuummut tunuliaqutaasut annertusisamik allaaserineqarnerat tamatumuuna innersuussutigineqarpoq.

Aalajangiiffigisassatut siunnersuutit pillugit isumaliutissiissutini kingunerisassanik allaaserinninnerit ilaatinneqartarnissaat Inatsisartuni ataatsimiititalianut taarsiullugu suliassannagortinneqarsinnaanera Naalakkersuisut Siulittaasuata Siulittaasoqarfiata periarfissatut allatut tikkuarpaa.

Aalajangiiffigisassatut siunnersuutit ilaannaat ullumikkut ataatsimiititalianut suliassannagortinneqartarput. Taamaattumik siunnersuutit tamarmik ataatsimiititalianit suliarineqartartussannagortinneqannagippata periarfissatut allatut tikkuarneqartup kingunerisinnaavaa aalajangiiffigisassatut siunnersuut arlallit siunnersuutit kingunerisassaat qulaajarnagit suliarineqartalernissaat.

Taamatuttaaq periarfissatut allatut tikkuarneqartup ajoqutigisinnaavaa siunnersuutit siullermeerneqartalissammata siunnersuutip kingunerisassai ilisimasaqarfiginagit.

Kiisalu naatsorsuutigineqartariaqarpoq periarfissatut allatut tikkuarneqartup kinguneriumaaraa siunnersuutip kingunerisassaasa qulaajarneqarnissaannut ataatsimiititaliat ileqqussamittut Naalakkersuisunut apeqquteqartarnissaat. Taamaalilluni kingunerisassat allaaserineqarnissaannik suliasaq pissusiviusumik Naalakkersuisunut nuunneqassaaq, Inatsisartut Siulittaasoqarfiannit siunnersuutigineqartut; suliarinninnermili piffissami kingusinnerusumi, ataatsimiititaliallu suliarinninnerata piffissamut sivilinerusumut ingerlasinnaanerani ulorianaatilimmik.

Nalinginnaasumik nassuiaatini immikkoortumi 3-mi siunnersuutip aningaasatigut allaffissornikkullu kingunerisassaasa amigartumik nassuiarneqarsimasut Naalakkersuisut Siulittaasuata Naalakkersuisoqarfiata oqaatigaa.

Aningaasatigut allaffissornikkullu kingunerisassat allaaserineqarneri annertusarneqarput.

Allakkatigut apeqquteqaateqarsinnaalernissamik siunnersuut - § 36 a nutaaq

Naalakkersuisut Siulittaasuata Naalakkersuisoqarfiata maluginiarpaa aalajangersakkakut siunnersuutigineqartukkat allakkatigut apeqquteqaatit suliarineqarnerini peqataanissaminnit Naalakkersuisut mattunneqartut, taamaalillutillu qulequttat aalajangersimasut tamanut soqutiginaatillit pillugit isumaqatigiinniarnernut Naalakkersuisut isummeneri Naalakkersuisunit ersersinneqarsinnaajunnaassallutik.

Inatsisartut isumaqatigiinniarnernut peqataanissamut Naalakkersuisut periarfissaqarnissaat Namminersorlutik Oqartussaqaarnermi tunngaviusutut Naalakkersuisut Siulittaasuata Naalakkersuisoqarfiata isigivaa.

Inatsisartut isumaqatigiinniarnerisa ilaasortat ataatsimiittarfimmi namminneq najuunnerisigut pisarnera Namminersorlutik Oqartussaqaarnermi taamatuttaaq tunngaviuvoq. Inatsisartoqaarnermi Inatsisartut ataatsimiinnerisigut ilaasortallu namminneq najuunnerisigut isumaqatiginninniartarnermik pingaarnertut tunngaveqarneq, Inatsisartut inatsisaanni Inatsisartullu Suleriaasianni aalajangersakkani arlalinni tunngavigineqarpoq.

Inatsisartut isumaqatiginninniartarneri "allakkatigut isumaqatiginninniarnertut" pisalerpata aalajangersakkat taakkua inatsisartoqaarnermilu pingaarnertut tunngaviit aallaavigineqarsinnaassanngitsut Naalakkersuisut Siulittaasuata Naalakkersuisoqarfia isumaqarpoq.

Tamanna tunngavigalugu Naalakkersuisut Siulittaasuata Naalakkersuisoqarfia isumaqarpoq siunnersuut peerneqartariaqartoq.

Aalajangersagaq siunnersuummit peerneqarpoq. Naalakkersuinikkut kissaat siunnersuummut tunngavigineqartoq siunnersuutip UPA 2020-mut allannortillugu saqqummiunneqarneratigut naammassineqarsinnaanersoq isumaliutigineqassaaq.

Naalakkersuisunut § 37 malillugu apeqqutit pillugit aalajangersakkap oqaasertalerneqarnerata allangortinneqarnissaanik siunnersuut

Naalakkersuisut Siulittaasuata Naalakkersuisoqarfiata oqaatigaa § 37, imm. 1-ip siunnersuummi ilusilerneqarsimanerata apeqquteqaatit oqaluuserisassanngortinneqannginneranni ilusissaattut saqqummiunneqarnissaannullu piumasaqaatinik eqquutsitsinerannik Inatsisartut Siulittaasuata taamalu Inatsisartut Allattoqarfiata nakkutiginnissinnaajunnaarnerat kingunerissagaa. Tamanna tunngavigalugu Naalakkersuisut Siulittaasuata Naalakkersuisoqarfiata aalajangersakkap atuuttup attatiinnarneqarnissaa kissaatiginartippaa.

§ 37, imm. 2, oqaaseqatigiit aappaata nutaamik oqaasertalerneqarnissaanik siunnersuutip aalajangersakkap ullutsinnut naleqqunnerusumik oqaasertalerneqarnissaa taamaallaat siunertaraa. § 37 malillugu apeqqutit Naalakkersuisunut ingerlateqqinneqartut piumasaqaatinik apeqqutinut taamaattunut atuuttunik naammassinnissimanersut Inatsisartut Siulittaasuata nakkutigissagai aalajangersakkamut nassuiaatini ilanngunneqarpoq.

Siunnersuummi § 37, imm. 2-mut tunngatillugu Naalakkersuisut Siulittaasuata Naalakkersuisoqarfiata oqaatigaa aalajangersakkap naatsorsuutiginninnernut Inatsisartut Naalakkersuisullu pillugit Inatsisartut inatsisaanni § 12-imut nassuiaatini tunngavigineqartunut naapertuuttuunissaa eqqarsaatigalugu suleriaatsimi atuuttumi § 37, imm. 2-p ingerlateqqinneqarnissaa pisariaqassasoq. Inatsisartut inatsisaanni § 12-imut nassuiaatini "Naalakkersuisut apeqqummut akissuteqarsinnaanatik isumaqarpata tamanna Inatsisartunut nalunaarutigineqassaaq" oqaatigineqarnera Naalakkersuisut Siulittaasuata Naalakkersuisoqarfiata innersuussutigaa.

Inatsisartut inatsisaanni § 12-ip aamma suleriaatsimi § 37-ip akunnerminni imminnut naapertuunerannik nalorngissuteqarneq suugaluartorluunniit naapertuutinningsutut isumaqarnarpoq. Taamaattumik piffissaq aalajangersakkap atuutilerfissaa allangortinneqarpoq, aalajangersagaq aat-saat 2020-mi juulip ulluisa aallaqqaataanni atuutilersussanngorlugu. Kinguartitsinikkut Siulittaasoqarfik periarfissinneqarpoq UPA 2020-mut Inatsisartut Naalakkersuisullu pillugit Inatsisartut inatsisaata allangortinneqarnissaanut siunnersuummik saqqummiussaqaarnissaminut, Naalakkersuisunut apeqqutit pillugit Inatsisartut inatsisaanni suleriaatsimilu aalajangersakkat akornanni tamakkii-sumik naapertuuttoqarnissaanik qularnaarinnittumik.

Siunnersuummi § 37, imm. 6-imi naatsorsuutigineqartut § 37 malillugu apeqqummut akissutip isertuussassatut naqissuserneqarsinnaanerannik periarfissaq eqqarsaatigalugu Naalakkersuisut Siulittaasuata Naalakkersuisoqarfiata oqaatigaa Inatsisartut Naalakkersuisullu pillugit Inatsisartut inatsisaanni § 12-imut nassuiaatini naatsorsuutigineqarsimammat paasissutissanik isertuussassannik ingerlatitseqqiinninnissaminut Naalakkersuisut pisinnaatitaaffeqartut pisinnaatitaaffillu tamanna killilerneqartariaqanngitsoq oqaasertaliussassatut siunnersuutigineqartukkut.

§ 37 malillugu apeqqummut akissuteqaatip isertuussassatut naqissuserneqarnissaanut Naalakkersuisut periarfissaqarnerata paasissutissanik nipangiussisussaataaannermut ilaatinneqartunik, taakku-

nunnga ilanngullugit inatsisikkut imaluunniit aalajangersakkakut atuuttukut allakkut isertuussasatut oqaatigineqartunik, imaluunniit isertuunneqarnissaat allatigut pisariaqartunik pisortat inuinaalluunniit soqutigisaat eqqarsaatigalugit isiginiagassat pingaarutillit isumaginissaannut paasisutissanik ingerlatitseqqinnginnissamut Naalakkersuisut mattutinngilai.

§ 37 malillugu apeqqummut akissuteqaatip isertuussasatut naqissuserneqarsinnaanera isumaliutigineqarsinnaassaaq minnerunngitsumik akissuteqaammi paasisutissat pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat naapertorlugu paasitinneqarsinnaatitaanermut ilaatinneqanngippata taakkuluunniit avataanniitinneqarsinnaappata.

Tamanna erseqqissarniarlugu siunnersuummut nassuiaatit annertusarneqarput.

Inatsisartut inatsisaanni § 12-ip aamma suleriaatsimi § 37-ip akunnerminni imminnut naapertuunerannik nalornngissuteqarneq suugaluartorluunniit taamaakkaluartoq naapertuutinnngitsutut isumaqarnarpoq. Taamaattumik piffissaq aalajangersakkap atuutilerfissaa allannngortinneqarpoq, aalajangersagaq aatsaat 2020-mi juulip ulluisa aallaqqaataanni atuutilersussanngorlugu. Kinguartitsinik Siulittaasoqarfik periarfissinneqarpoq UPA 2020-mut Inatsisartut Naalakkersuisullu pillugit Inatsisartut inatsisaata allannngortinneqarnissaanut siunnersuummik saqqummiussaqaarnissaminut, Naalakkersuisunut apeqqutit pillugit Inatsisartut inatsisaanni suleriaatsimilu aalajangersakkat akornanni tamakkiisumik naapertuuttoqarnissaanik qularnaarinnittumik.

Iningaasaqarnermut Naalakkersuisoqarfiup tusarniaanermut akissutaa:

Aalajangiiffigisassatut siunnersuutit Inatsisartunut ilaasortanit partiinillu saqqummiunneqartut aningaasatigut allaffissornikkullu kingunerisassaasa siunissami Naalakkersuisut akissuteqaataanni allaaserineqartalernissaannik siunnersuut.

Aalajangiiffigisassatut siunnersuutip aningaasatigut allaffissornikkullu kingunerisassaanik missinginissamut akisussaaffik Naalakkersuisunut tunniunneqassappat tamanna assorsuaq eqqarsarnartoqasasooq innuttaasullu qinikkat aqqutigalugit naalakkersueqataanerat eqqarsaatigalugu annertoorujussuarmik kinguariarnerussasooq Aningaasaqarnermut Naalakkersuisoqarfik ataatsimut isigalugu isumaqarpoq.

Inatsisiliortut inatsisinillu atuutsitsisut innuttaasut qinikkat aqqutigalugit naalakkersueqataanerannut pingaarutilimmik avissaartinneqarnerat Inatsisartut suleriaasiata nutarterneqarnissaanut isumalioqatigiissitap isumaliutissiissutaanik (UKA 1996/6) taamanikkut Inatsisartuusut ilaliineratigut 1996-imi 1997-imilu ingerlanneqartoq allannngortitsinikkut suliassaqaarfimmi qitiusumi utertinneqassappat assorsuaq eqqarsarnartoqartoq Naalakkersuisoqarfik isumaqarpoq.

*Inatsisartut suleriaasiannik nutarterineq ukiuni 1996-97-imi aallartinneqartoq Inatsisartut nukittorsarneqarnerannik malitseqarpoq Inatsisartut namminerisaminnik siunnersortissaminnik Inatsisartu-
nuinnaq tunniusimasussanik taamaallaallu Inatsisartunik, tassungalu ilaasortanik partiinillu, sullis-*

*sisartussanik atorfinitsitsisinnaalernerisigut. Taamaalillutik Inatsisartut Naalakkersuisuni atorfilin-
nit sullinneqartariaarupput. Nutarterinerup inatsisiliortussaataasut atuutsitsisussaataasullu avis-
sartitaasimanerat taamanikkut atuutereersoq ikorfartorpaa timitalerneqarneranullu peqataalluni.*

*Siunnersuutikkut tamatumani pissusitoqqanut uteqqinnissaq siunertarineqanngilaq. Inatsisartunut i-
laasortat Inatsisartunilu partiit – tamanna kissaatigigunikku – suli periarfissaqassapput siunnersuu-
tissatut eqqarsaatigineqartup kingunerisassai eqqarsaatigalugit siunnersuutip saqqummiunneqan-
nginnerani Inatsisartut Allattoqarfiannit siunnersorneqarnissaminnut.*

Aalajangiiffigisassatut siunnersuutit Inatsisartunut ilaasortanit partiinillu saqqummiunneqartut ki-
ngunerisassaasa naatsorsorneqarnerinut piunasaqaatit suut tunngavigineqassanersut pisuni arlalinni
erseqqeqqissaarnaviannitsoq Naalakkersuisoqarfiup uparuarpaa. Taama pisoqartillugu piunasaqaa-
tit sorliit tunngavigineqassanersut Naalakkersuisunut aalajangigassannortinneqassaaq.

Qitiusumik allaffeqarfimmi atorfilittat Naalakkersuisunik sullississapput. Tamatuma ilaatigut nassa-
tarisaanik atorfilittat sutigut tamatigut Naalakkersuisunut ilumoortussaapput. Aalajangiiffigisassatut
siunnersuut saqqummiussisumit ilaasortanilluunniit saqqummiussisunit Naalakkersuisut allaanerusu-
mik naliliisarnerat nalinginnaasuvoq. Taama pisoqartillugu atorfilittat Naalakkersuisunut pisussaaf-
feqassapput, tassunga aamma ilanngullugu aalajangiiffigisassatut siunnersuutip aningaasaqarnikkut
allaffissornikkullu kingunerisassai pillugit missingiinermini.

*Aalajangiiffigisassatut siunnersuutit ima oqaasertalerneqakkajussimasarput tamakkiisumik ilaanna-
kortumilluunniit siunnersuutip qanoq timitalerneqarnissaa Naalakkersuisunut isummerfigisassan-
ngortinneqartarluni. Pisuni taamaattuni Naalakkersuisunut orniginarnerpaatut/pissusissamisoor-
nerpaatut iluseqartillugit timaliisooqarpat kingunerisassatut naatsorsuutigineqartut Naalakkersui-
sut nassuiaatigisariaqarpaat.*

*Siunnersuutip kingunerisassaataut naatsorsuutigisat allaaserineqarneranni Naalakkersuisunut ilaa-
sortat akisussaanagerat pillugu Inatsisartut inatsisaanni § 6, imm. 2-mi piunasaqaatit Naalakkersui-
sunut atuutissapput. Tamatuma malitsigisaanik Naalakkersuisunut ilaasortaq eqqunngitsumik paa-
sinerluutaasinnaasumilluunniit Inatsisartunut paasissutisseeqqusaanngilaq. Naalakkersuisut ilaa-
sortaq taamatuttaaq Inatsisartut oqaluuserisassamik oqaluuserinninneranni paasissutissanik oqa-
luuserisap inatsisartunit aalajangiiffigineqarnissaanut annertuumik pingaaruteqartunik nipangius-
seqqusaanngilaq.*

Tamatumunnga taarsiullugu sulisunik naleqquttumik misilittagalinnik suliatiqullu piginnaasalinnik
imaluunniit suliatiq agguataarneqarnerata maanna atuuttup allannortinneratigut Inatsisartunut ilaasor-
tat Inatsisartut Allattoqarfiannit sullinneqarnerata nukittorsarneqarsinnaanera isumaliutigissallugu
tulluarnerusoq naalakkersuisoqarfik isumaqarpoq.

*Inatsisartut Allattoqarfiat isumaqarpoq allatut periarfissaq taamaattoq pakatsinerit ullumikkut aaq-
qissuussisimanermut tunngatillugu Inatsisartuni partiit amerlasuut sinniisaannit ersersinneqartartut*

ilorraap tungaanut saatinneqarnissaannut piukkunnassagunangitsoq. Siunnersuummut tunuliaqutaasut annertusisamik allaaserineqarnerat tamatumani innersuussutigineqarpoq.

Aalajangiiffigisassatut siunnersuutip kingunerisassaasa allaaserineqarnissaannik siunnersuuteqartumut ullumikkut pisussaaffiup attatiinnarneqarneratigut Inatsisartut Allattoqarfiatali tamatumani iki-uussinnaanermut periarfissaasa nukittorsarneqarnerisigut siunnersuuteqartut siunnersuutit pisortatigoortumik saqqummiunneqannginneranni siunertarineqanngitsumik aningaasaqarnikkut allaffissor-nikkulluunniit kingunissallit isumaliutigeqqinnissaannut aamma periarfissinneqassasut Naalakkersuisoqarfiup erseqqissarpaa. Siunnersuutikkut pineqartukut siunnersuuteqartut tamakkiisuunngitsumik tunngavissaqarlutik siunnersuutinut aningaasaqarnikkut akisoorujussuarnut naapertuutinngitsunullu naalakkersuinikkut pisussaaffeqalersinnaanerat assorsuaq naapertuutinngitsutut Naalakkersuisoqarfiup isigaa.

Naalakkersuisoqarfimmit allaaserineqartutut siunnersuutip malitsigissavaa siunnersuuteqartoq periarfissinneqassammat siunnersuuteqarnissaminut siunnersuutip malitsitut kingunerisassai ilisimanngikkaluarlugit. Tamanna akornutitut isigineqarsinnaavoq. Inatsisartunullu ilaasortat Inatsisartunilu partiit – tamanna kissaatigigunikku – suli periarfissaqassapput siunnersuutissatut eqqarsaatigineqartup kingunerisassai eqqarsaatigalugit siunnersuutip saqqummiunneqannginnerani Inatsisartut Allattoqarfiannit siunnersorneqarnissaminnut.

Siunnersuutip taamatuttaaq malitsigissavaa eqqarsaatigineqarsinnaammat siunnersuutininik kingunerisassaata imaaliallaanaq nalilersorneqarsinnaanngitsunik oqaluuserisassanut ilanngussisoqartarsinnaanera. Siunnersuutip kingunerisassaasa allaaserineqarnissaannut annertuumik paasisutissanik katersinissaq imaannaanngitsunilluunniit nalilersuilluni misissuinissat pisariaqarpata Naalakkersuisut pisinnaatitaasariaqarput akissuteqaamminni oqaatigissallugu siunnersuutip kingunerisassaanik misissuisoqarsinnaanngitsoq akissuteqaasiornissamut killiliussat iluanni. Tamanna aamma atuuppoq susassaqartunit avataaneersunit paasisutissat pisariaqartut aalajangiiffigisassatut siunnersuutip siullermeerneqarnissaa sioqqullugu pissarsiarineqarsinnaanngikkaangata.

Allannguutissatut siunnersuutigineqartukut aalajangiinerit pineqartut inuiaqatigiinnut qanoq akeqassanersut nunamilu innuttaasunut suliffeqarfinnullu sunik kinguneqassanersut nalullugu Inatsisartut annertuumik sunniutilinnik aalajangiisinnaanissaat taamaalilluni ammaanneqarpoq.

Tamanna aamma akornutitut isigineqarsinnaavoq. Taamaattorli taama pisoqartillugu allannguutissatut siunnersuuteqartoqarsinnaassaaq suliniutip eqqarsaatigineqartup kingunerisassaasa qulaajarnissaannut § 35 malillugu nassuiaasiornissaannik Naalakkersuisunik peqqusisumik.

Aalajangersakkap siunnersuummit peerneqarnissaa aamma aalajangersakkat siunnersuutigineqartup taartissaanik siunnersuusiornissamik suliassaqartussamik Inatsisartut Allattoqarfiat Naalakkersuisullu allaffeqarfiata ataatsimut suleqatigiissitaliornissaat Aningaasaqarnermut Naalakkersuisoqarfiup siunnersuutigaa. Tamatumunnga atatillugu Naalakkersuisoqarfiup oqaatigaa Inatsisartut Siulittaaso-

qarfiata naatsorsuutigimmagu suleriaatsip allanngortinneqarnissaanut siunnersuutiniq sulii amerlanerusunik UPA20-mut saqqummiussaqaarnissani, taamaalillunilu naalakkersuisoqarfiup siunnersuutaa annertunerusumik akornutaassangatinneqarnani.

Naalackersuinikkut kissaatigineqartumut ukiunilu kingullerni ataavartumik sakkortuumillu Inatsisartuni partiinit amerlanernit sinniisinit saqqummiunneqartarsimasumut siunnersuut ersiutaavoq. Tamanna tunngavigalugu kinguartitsinissap ilalerneqarnissaanut periarfissat killeqartutut nalilerneqarput.

Suliassap Naalackersuisunit Inatsisartut Allattoqarfiannilluunniit ingerlanneqarnera apeqqutaatinnaagu suliassaqaarfimmi nukittorsaanissaq siunertarineqartoq aningaasartuuteqarnerunissamik nassataqartussatut naatsorsuutigineqartariaqartoq Aningaasaqaarnermut Naalackersuisoqarfiup oqaatigaa.

Siunnersuutikkut kingunerisassanik allaaserinnittarnerit arlaatigut nukittorsarneqarnissaat siunertaasimannigilaq. Tamanna erseqqissarniarlugu siunnersuummut tunuliaqutaasut nalinginnaasumik nassuiaatini allaaserineqarnerat itisilerneqarpoq erseqqissarneqarlunilu. Taamatuttaaq aalajangersakkamut nassuiaatini erseqqissarneqarpoq kingunerisassat allaaserineqarnerisa ullumikkornit annertunerulernissaat sukumiinerulernissaalluunniit siunnersuutikkut siunertarineqanngimmat, soorlu aamma annikinnerulernissaat siunnersuutigineqanngitsoq.

Siunnersuutikkut akissuteqaataasartussat takissusiisa pingaarutilimmik annertusineqarnissaat anguniarneqartoq apeqqutaatinnaagu akissuteqaateqarnissamut piffissat oqaaseqarfiusinnaasut taamaaginnarnerat Aningaasaqaarnermut Naalackersuisoqarfiimmit maluginiarneqarpoq.

Kingunerisassanik allaaserinninneq akissuteqaammi immikkut immikkoortumi immikkoortuniluunniit inissinneqarsinnaavoq imaluunniit pisariaqarpat akissuteqaammut ilanngussatut. Akissuteqaammik oqaaseqarluni saqqummiussinermi taakku ilanngullugit atuarneqarneq ajorput. Kingunerisassanik allaaserinninneq akissuteqaammi immiini immikkut immikkoortumi ilanngunneqarsimappat taamaaqataanik taassuma atuarneqarnissaa pinngitsoorneqarsinnaavoq. Taamaattumik piffissat oqaaseqarfiusinnaasut sivitsorneqarnissaat pisariaqartutut isigineqarsimannigilaq.

Aalajangersagassatut siunnersuutigineqartoq pillugu Aningaasaqaarnermut Naalackersuisoqarfiup naggataatigut oqaatigaa Inatsisartut suleriaasiat inatsisaanngitsoq, malittarisassaallutilli Inatsisartut aalajangersarsimasaat Inatsisartullu iluini pissutsinut maleruagassiisussat. Inatsisartut nammineq ilu-minni malittarisassatik malillugit sulianik aalajangersimasunik ingerlatseqqullugit Naalackersuisunut peqqusisinaanersut Naalackersuisoqarfiup qularnartutut isigaa.

Siunnersuutip suliarineqarnerata ingerlanneqarnissaanut malittarisassanik aalajangersaanissaminut Inatsisartut suleriaatsiminni periarfissaqarput. Naalackersuisut tamatumunnga ilanngukkuma-saat malittarisassanut taamaattunut ilaatinneqarsinnaapput.

**Naalackersuisunut § 37 malillugu apeqqutit pillugit aalajangersakkap oqaasertalerneqarnera-
ta allanngortinneqarnissaanik siunnersuut**

§ 37 malillugu apeqqutinik akissuteqartarnermut qitiusumik allaffeqarfimmi nukippassuit ullumikkut atorneqartareertut Aningaasaqarnermut Naalackersuisoqarfiup uparuarpa. Naalackersuisoqarfik isumaqarpoq § 37-ip allanngortinneqarnissaanik siunnersuutigineqartup nukissanik atuineq annertu-
nerulersissagaa.

*Nassuerutigineqartariaqarpoq § 37 malillugit apeqqutit ukiut ingerlanerini malunnartumik amerle-
riarsimmata, naalackersuisoqarfillu akissuteqaasiornermut allaffissornikkut nukippassuarnik a-
tuisariaqartarmata.*

*Naatsorsuutiginninnerit Inatsisartut Naalackersuisullu pillugit Inatsisartut inatsisaanni § 12-imut i-
natsimmut nassuiaatini tunngaviusimasut eqqarsaatigalugit siunnersuutip Naalackersuisut akissute-
qarnissamut pisussaaffiata malunnartumik annertusineqarneranik kinguneqarnissaa naatsorsuutigi-
neqanngilaq. Taamaattumik siunnersuutip immi Naalackersuisut naalackersuisoqarfiini nukissanik
atuinerup malunnartumik kinguneqarnissaa naatsorsuutigineqanngilaq.*

Aningaasaqarnermut Naalackersuisoqarfik isumaqarpoq § 37 malillugu apeqqutit ilaannikkut atorne-
qartartut paasissutissanik najoqqutassani tamanit pissarsiarineqarsinnaasuni qupperaalaarluni pissar-
siarineqarsinnaagaluartunik pissarsiarnermut, imaluunniit paasissutissanik nassuiaatitigut annertu-
nerusumilluunniit qulaajaanertigut pitsaanerpaamik pissarsiarineqarsinnaasunik pissarsiarnermut.

*Paasissutissat ugartorneqartut tamanit pissarsiarineqarsinnaappata assersuutigalugu nittartakkami
imaluunniit siusinnerusukkut nalunaarusiaasimasumi § 37 malillugu apeqqummut akissuteqaammi
paasissutissat sumi nassaarineqarsinnaanerannut innersuussinissaq naammassaaq. Tamatuma er-
seqqissarneqarnissaa siunertaralugu aalajangersakkamut inatsimmi nassuiaatit annertusarneqar-
put.*

*§ 37 malillugu apeqqutip akissuteqarfigineqarnissaanut annertuumik paasissutissanik katersinissaq
imaannaanngitsunilluunniit nalilersuilluni misissuinissat pisariaqarpata paasissutissat kissaatigine-
qartut pissarsiariniarnissaanut Naalackersuisut ullumikkut pisussaaffeqanngillat. Siunnersuutikkut
tamanna allanngortinneqassanngilaq.*

Tamatuma saniatigut siunnersuut pineqartoq § 37 naapertorlugu apeqqutit ilusissaanut piumasaa-
tinik sukumiinerusunik aalajangersaasoqarnissaanik pisariaqartitsisoqartoq Aningaasaqarnermut
Naalackersuisoqarfik isumaqarpoq, taamaalilluni taakku assersuutigalugu oqaasertai imarisaalu Naa-
lackersuisut allaffeqarfiannit nalornissutigineqaratik kinguaattooruteqarfiunatillu suliarineqarsin-
naaqqullugit.

*§ 37 malillugu apeqquteqarsinnaaneq Inatsisartut Naalackersuisunik nakkutilliinerannut ilaavoq, a-
kissuteqaataasartullu Inatsisartut inatsisiliortussaataasutut (aningaasaliissutinillu akuersissute-*

qartussaaitaasutut) ingerlatsineranni ilaasortat ataasiakkaat peqataanerannut sakkussaalluni pingaarutilik. Akissuteqaatit tamanut saqqummiunneqartarnerisigut Naalakkersuisut suliaat inuiaqatigiinnilu pissutsit pillugit innuttaasut paasisimasaqarnissaat peqatigitillugu qularnaarneqartarpoq. Taamaattumik Naalakkersuisut akissuteqarnissamut pisussaaffiata killilerneqarnissaanut siunnersuutigineqartukkut § 37 malillugu apeqqutit akissuteqarfigineqarnissaannut pisussaaffiup pisariaqanngitsumik killilerneqannginnissaa pingaartutut isiginiarneqarsimasut ilagaat.

Siunnersuummi § 37, imm. 1, oqaaseqatigiit pingajuata oqaasertalerneqarnerani § 37 malillugu apeqqutip erseqqissumik oqaasertalerneqarsimanissaa piumasagaatinut ilaavoq. Piumasagaatip tamatuma malitsigaa apeqqut imatut oqaasertalerneqarsimassammat ingerlaannaq paasineqarsinnaassalluni, apeqquteqartup suut paaserusunnerai Naalakkersuisunit eqqoriaannagassanngortinngit. Tamanna erseqqissarniarlugu aalajangersakkamut inatsimmi nassuiaatit annertusarneqarsimapput.

Aningaasaqarnermut Naalakkersuisoqarfiup siunnersuutigaa aalajangiiffigisassatut siunnersuutit aningaasatigut allaffissornikkullu kingunerisassat allaaserineqartarnerat eqqarsaatigalugu aalajangersagassatut siunnersuummut taarsiullugu periarfissanik allanik ujarlertussamik ataatsimut suleqatigiissitami naalakkersuisoqarfimmit pilersinneqartussatut siunnersuutigineqartumi oqaluuserineqartussatut innersuussutigineqassasoq.

Suleqatigiissitamik taamaattumik pilersitsinissamik siunnersuummut oqaaseqaatit takukkit.

Siunnersuutikkut tassungalu nassuiaatitigut § 37 malillugu apeqqutit saqqummiunneqartarnerinut akissuteqaateqarfigineqartarnerinullu killiliussanik erseqqinnerusumik peqalerpoq. Neriutiginerpoq tamanna apeqqutit akissuteqaatillu ilusilersorneqartarnerannut ikiuutaajumaartoq. Naalakkersuisut, taamatullu aamma Inatsisartut innuttaasullu, soqutigisaat eqqarsaatigalugit isiginiagassat pingaarutillit oqimaalutarneqarnerannik siunnersuut tunngaveqarpoq. Tamatuma kingorna tusarniaanermi akissutini tiguneqartuni attorneqanngitsunik pisariaqartitsisoqassappat isiginiagassaqassappullu Naalakkersuisut naammasserusutaannik, taakku isumaliutiginissaannut suleqatigiissitami Inatsisartut Allattoqarfiat soorunami peqataarusussaaq.

Siunnersuummi § 37, imm. 2, nr. 2-p oqaasertalerneqarnerani aalajangersarneqarpoq Naalakkersuisut apeqqummut akissuteqarnissaminnut pisussaaffeqanngitsut, piffissarujussuaq nukippassuillu paasisutissanik akissuteqarnissamut atugassanik pissarsiniarnermut atortariaqassappata.

Oqaasertaliussassatut siunnersuutigineqartoq Inatsisartut Naalakkersuisullu pillugit Inatsisartut inatsisaanni § 12-imut inatsimmut nassuiaatini naatsorsuutigineqartunut sanilliullugu apeqqutinut akissuteqartarnissamut Naalakkersuisut pisussaaffiik malunnartumik annertusisitsissasoq naalakkersuisoqarfik isumaqarpoq.

Taamaalilluni Inatsisartut Naalakkersuisullu pillugit Inatsisartut inatsisaanni § 12-imut nassuiaatini atuarneqarsinnaavoq Naalakkersuisut apeqquut erseqqinnerusumik qulaajarniarlugu tamanna pisariaqarpat naleqquttumik ilungersuuteqartariaqartut.

Oqaasertalerneqarsimanerani “piffissarujussuaq nukippassuillu atortariaqassappata” allanngortinneqarpoq imaalillugu: “malunnartumik piffissaq nukissallu atortariaqassappata”.

Taamaatuttaaq piffissaq aalajangersakkap atuutilerfissaa allanngortinneqarpoq, aalajangersagaq aatsaat 2020-mi juulip ulluisa aallaqqaataanni atuutilersussanngorlugu. Kinguartitsinikkut Siulittaasoqarfik periarfissinneqarpoq UPA 2020-mut Inatsisartut Naalakkersuisullu pillugit Inatsisartut inatsisaata allanngortinneqarnissaanut siunnersuummik saqqummiussaqaarnissaminut, Naalakkersuisunut apeqquutit pillugit Inatsisartut inatsisaanni suleriaatsimilu aalajangersakkat akornanni tamakkiisumik naapertuuttoqarnissaanik qularnaarinnittumik.